

A Inama zo kwirinda gutakaza agakiza kawe:

❖ Icyo ugomba kwirinda (Abafilipi 3:1–3)

- Mbere y’uko Pawulo avugaga ku kaga kibasiye ukwizera, yatanze inama igira iti: “mwishimire mu Mwami” (Abafilipi 3:1a).
- Aha yongeraho ikintu cy’ingenzi: ni byiza gusubiramo ukuri tuzi, nubwo twaba tukuzi neza (Abafilipi 3:1b).
- Ni gute twakwishimira mu Mwami?
 - (1) Kwakira imbabazi z’Imana (Zaburi ya 31:7)
 - (2) Gushyira ibyiringiro byacu muri Yo (Zaburi ya 5:11)
 - (3) Kwakira imigisha y’agakiza (Zaburi ya 9:14)
 - (4) Kwitondera amategeko y’Imana (Zaburi ya 119:14; Yesaya 58:13, 14)
 - (5) Kwizera Ijambo ryayo (Zaburi ya 119:162)
 - (6) Kurerera abana kubaha Imana (Imigani 23:24, 25)
- Pawulo agaragaza akaga gakomeye kari kugarije itorero muri icyo gihe: abigisha b’ibinyoma bigishaga kugendera ku mategeko y’imihango (Abafilipi 3:2). Abo yabavuzeho mu buryo butatu butandukanye: imbwa (Zaburi ya 22:16; 2 Petero 2:21–22); inkozi z’ibibi; n’abāngiza umubiri (binyuze mu gukeba).

❖ Ibyo gutera umugongo (Abafilipi 3:4–6)

- **Mu Nama Nkuru y’i Yerusalemu, byanzuwe ko abanyamahanga batagomba kubuzwa amahwemo kubw’amategeko y’imihango y’Abayuda (Ibyakozwe 15:19–21). Nyamara, hari abigisha bamwe baje kuza i Filipi bigisha ko ari ngombwa gukebwa (Abafilipi 3:2–3).**
- **Pawulo yasubiye mu mateka, abibutsa uburyo yari inyangamugayo igihe yari akimeze nk’abo bigisha (Abafilipi 3:4–6):**
 - (1) Yakebwe ku munsu wa 8: umwana w’ababyeyi bashikamye
 - (2) Umuheburayo butwi: Umubenyamini w’inkomoko utavangiye
 - (3) Ku bijyanye n’amategeko, Umufarisayo udakebakeba
 - (4) Ku bijyanye n’ishyamba, yarenganyaga itorero
 - (5) Umurinzi w’Amategeko utagira umugayo
- Ariko yirataga ibi byose ataramenya Yesu. Noneho yaje kumenya ko atari azi neza Amategeko (Matayo 5:21–22). Ubu noneho yari yaramenye ko Kristo wenyine ari We ukiza (Abafilipi 3:7).

❖ Ikintu cy’ingenzi (Abafilipi 3:7–8)

- Pawulo agereranya imibereho ye ya kera n’imibereho ye yakurikiyeho. Ku ruhande rumwe ahashyira ubumenyi bwe bwose; ahajyaga kuba azaza he heza nk’umwigishwa ukomeye wa Gamaliyeli, n’impano ze zikomeye za Gifarisayo. Byose ni indamu.
- Noneho, ashya ku rundi ruhande rw’umunzani ubuzima bwe kuva yahura na Kristo. Indamu ze zose zihinduka imyanda, kuko nta kintu na kimwe cyagereranywa n’urukundo rwa Kristo (Abafilipi 3:7–8).
- Ni iki cyarusha agaciro ubugingo buhoraho mu ijuru no mu isi yagizwe nshya? Nyamara, ibyo isi iha agaciro bihuma abantu benshi amaso kuri uku kuri. Muri kamere hari irushanwa hagati y’ibintu bifatwa nk’iby’ingenzi hano, n’ibyo ijuru riha agaciro by’ukuri: imico isa na Kristo n’agakiza k’ubugingo.

B Inama zo kuguma mu gakiza:

❖ Kwizera kwa Kristo (Abafilipi 3:9)

- Pawulo, yishingikirije gukiranuka kwe bwite, yagiye i Damasiko kugira ngo agarure abahakanyi bo mu itsinda rya “Nzira” mu “nzira y’agakiza” (Ibyakozwe 9:1–2). Ariko yinjiye i Damasiko yamaze gutsindwa n’ukundi gukiranuka, ari ko gukiranuka kw’Imana: “guheshwa no kwizera Kristo” (Abafilipi 3:9).
- Kuva ubwo, ntivyigeze yongerera kwiringira gukiranuka kwe. Kuko ni uguta igihe kwiringira imirimo yacu kugira ngo tugere ku gakiza (Abagalatiya 2:16).
- Yifuzaga “kuboneka muri [Kristo]” (Abafilipi 3:9). Ibi bivuze iki?
- Dukurikije 1 Abakorinto 1:30, kuba “muri Kristo” birimo ibintu byose bikubiye mu Nama y’Agakiza, uhereye mu gutambika k’umuseke wo kumenya kwacu mu bya Mwuka (ubwenge), ukageza ku gutsindishirizwa ku bwo kwizera (gukiranuka), kugeza ku kwitegura ijuru (kwezwa), amaherezo ukagera ku guhabwa ubwiza ubwo Kristo azaba agarutse (gucungurwa).

❖ Kumenya Kristo (Abafilipi 3:10–16)

- **Ni gute twamenya Kristo (Abafilipi 3:10–16)?**
 - (1) Iyo twiga Ijambo Rye
 - (2) Iyo tuyobowe n’Umwuka Wera
 - (3) Iyo dusangiye imibabaro Ye
 - (4) Iyo dukomeje kugana aho dusiganirwa kugera
- Ubuzima bwa gikristo bumeze nk’isiganwa. Intekerezo zacu zigomba gutumbira aho dusiganirwa kugera. Ntabwo dukwiriye kuba hano byo kunezwa n’ubu buzima ubwabyo. Twiringiye kuzagera ku muzuko w’abapfuye (Abafilipi 3:11).
- Kugeza ubwo icyo gihe kizaba gisohoye, tumaranira “gufata icyo Kristo Yesu yamfatiye” (Abafilipi 3:12). Yesu yansingiriye kugira ngo ampe umurwa, ingororano, ubuzima butagira iherezo bwo kubana na We (Abaheburayo 11:10; Abafilipi 3:14; 1 Abatesalonike 4:17).